

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A**

Broj: T04 0 KT 0056122 25
Zenica, 25.07.2025. godine

**OPĆINSKOM SUDU U KAKNJU
- Sudiji za prethodno saslušanje -
KAKANJ**

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

O P T U Ž N I C U

Protiv:

Š. N., neosuđivana

što je:

U toku mjeseca jula 2023. godine, na području općine K., s ciljem da sebi pribavi protupravnu imovinsku korist, lažnim prikazivanjem činjenica dovela u zabludu V. I. da će mu za iznos od 5.500 Eura nabaviti mašinu za malterisanje i održavala ga u zabludi, pa je V. I. vjerujući u to, u prisustvu svoje supruge V. M., u UO „D.“, dao joj iznos od 5.500 Eura da mu nabavi mašinu za malterisanje u roku od 20 dana, iako je znala i bila svjesna da to neće učiniti i da će ga prevariti, jer kada joj je I. dao novac u iznosu od 5.500 Eura nije postupila po dogovoru i nije mu nabavila mašinu za malterisanje, pa na upit I. šta je sa njegovom mašinom prvo mu je odgovarala da je mašina na carini i da se strpi još malo, pa kada joj je nakon izvjesnog vremena došao na radilište i ponovo pitao za svoju mašinu, odgovorila je da ne zna ništa, da bi nakon toga i blokirala njegov broj, tako da je nije mogao više ni kontaktirati, te mu do danas nije isporučila mašinu za malterisanje u skladu sa dogovorom, niti mu je vratila novac u iznosu od 5.500 Eura, pa je na tako prijevaran način za sebe prisvojila novac u iznosu od oko 11.000,00 KM, oštetivši na taj način V. I. za navedeni iznos,

dakle, s ciljem da sebi pribavi protivpravnu imovinsku korist, dovela drugog lažnim prikazivanjem činjenica u zabludu i time ga navela da na štetu svoje imovine nešto učini,

čime je počinila krivično djelo Prijezare iz člana 294. stav 1. KZ F BiH.